

**Ўзбекистон Республикаси Ички ишлар вазирлиги Академияси
ва Ўзбекистон Республикаси Судьялар олий кенгаши ҳузуридаги
Судьялар олий мактаби ўртасида ўзаро ҳамкорлик тўғрисида**

К Е Л И Ш У В

Ўзбекистон Республикаси Ички ишлар вазирлиги Академияси ва Ўзбекистон Республикаси Судьялар олий кенгаши ҳузуридаги Судьялар олий мактаби (кейинги ўринларда Томонлар деб аталади):

ички ишлар ва судьялар, судлар аппарати ходимларини малакасини ошириш ва қайта тайёрлаш, судьялик лавозимларига номзодларни тайёрлаш тизимини янада такомиллаштириш;

суд ва ҳуқуқни муҳофаза қилиш фаолияти, шунингдек ҳуқуқни қўллаш амалиётининг долзарб масалаларини муҳокама қилиш бўйича тадбирлар ўтказиш;

суд фаолияти соҳасидаги қонунчиликни таҳлил қилиш ҳамда ўрганиш, жиноий, маъмурий жазолар тизимини янада либераллаштириш, суд, жиноят-процессуал, фуқаролик процессуал, иқтисодий процессуал, маъмурий қонунчилигини такомиллаштириш, судларнинг чинакам мустақиллигини таъминлаш бўйича чора-тадбирлар ишлаб чиқиш;

жиноятчиликка қарши кураш, ҳуқуқни қўллаш амалиёти самарадорлигини ошириш;

суд-ҳуқуқ соҳасида фундаментал ва амалий тадқиқотлар олиб бориш жараёнидаги алоқаларни кенгайтириш ва мустаҳкамлаш;

Томонлар ўртасида ўзаро тажриба алмашишга қаратилган самарали чоралар қабул қилишда ўзаро манфаатдорликдан келиб чиқиб,

қуйидагилар ҳақида келишиб олдилар:

1-модда

Мазкур келишувнинг мақсади Томонлар ўртасидаги ички ишлар ва судьялар, судлар аппарати ходимларини малакасини ошириш ва қайта тайёрлаш, судьялик лавозимларига номзодларни тайёрлаш фан ва технологияларнинг устувор йўналишларига мувофиқ ҳуқуқни қўллаш, суд амалиёти самарадорлигини оширишга қаратилган тадқиқотлар ўтказиш соҳасидаги ҳамкорликни ривожлантиришдир.

2-модда

Томонлар ўзаро манфаатлар асосида қуйидаги йўналишларда ҳамкорлик қиладилар:

таълим жараёни ва илмий-тадқиқот ишларига Томонларнинг профессор-

ўқитувчилари ва ходимларини жалб этиш;

суд-ҳуқуқ тизимини такомиллаштириш, қонунчиликни ривожлантириш ва ягона ҳуқуқни қўллаш амалиётини шакллантиришнинг долзарб масалалари бўйича фундаментал, амалий ва инновацион илмий-тадқиқот ишларини амалга ошириш;

суд-ҳуқуқ масалалари бўйича Томонларнинг фаолияти ҳақидаги ахборотлар, маълумотлар ва таҳлилий ҳужжатларни ўзаро алмашиш; ✓

жамоат хавфсизлигини таъминлаш ва жиноятчиликка қарши курашишнинг долзарб муаммолари юзасидан суд амалиётини таҳлил қилиш ва шу асосида тайёрланган маълумот ва ахборотлар билан алмашиш; ✓

қонунчилик ва ҳуқуқни қўллаш амалиётини таҳлил қилиш натижалари бўйича қонунчиликда бўлиши мумкин бўлган бўшлиқларни аниқлаш, уни такомиллаштиришга қаратилган таклифлар ва норматив-ҳуқуқий ҳужжатлар лойиҳаларини тайёрлаш;

қонунчиликни комплекс ва чуқур таҳлил қилиш, суд, ҳуқуқни қўллаш амалиётини умумлаштириш, халқаро тажрибани ўрганиш натижалари бўйича суд-ҳуқуқ соҳасида демократик ислоҳотларни янада чуқурлаштиришга қаратилган таклифлар, шунингдек одил судловни янада демократлаштириш, суд фаолиятини такомиллаштириш бўйича концепциялар, дастурлар, тавсиялар тайёрлаш;

жиноятчилик статистикаси ва бошқа материалларни таҳлил қилиш натижалари бўйича ҳал этилиши талаб этилаётган суд ва ҳуқуқни муҳофаза қилувчи органлар фаолиятини янада такомиллаштиришнинг долзарб масалаларини аниқлаш, улар юзасидан таклифлар тайёрлаш;

илмий тадқиқотлар натижаларини суд, ички ишлар органлари, давлат ва нодавлат ташкилотлари фаолиятига татбиқ этиш;

Томонларнинг илмий газета, журнал, тўплам ва бошқа нашрларида докторантлар, профессор-ўқитувчилар ҳамда бошқа мутахассислар томонидан тайёрланган илмий мақола ва тезисларнинг чоп этилишида кўмаклашиш;

илмий ишлар, ўқув-услубий материаллар ва бошқа махсус адабиётлар, шунингдек томонларнинг ютуқларини акс эттирувчи бошқа материаллар билан ўзаро алмашишни йўлга қўйиш;

судьялар ва ҳуқуқни муҳофаза қилувчи органлар ходимларининг иштирокида ягона суд амалиётини таъминлаш, ҳуқуқбузарликлар профилактикаси ва жиноятчиликка қарши курашишнинг ҳамда фан соҳасидаги долзарб муаммоларнинг ечимларига бағишланган конференциялар, семинарлар, давра суҳбатлари ва бошқа илмий-амалий тадбирлар ташкил этиш;

илмий ва ўқув адабиётларни, амалий қўлланмаларни тайёрлаш;
илмий-тадқиқот натижаларини амалиётга татбиқ этиш;
суд-ҳуқук, шунингдек маъмурий, жиноят, жиноят-процессуал,
фуқаролик, фуқаролик процессуал, иқтисодий процессуал қонунчилигини
янада такомиллаштиришга оид таклиф ва тавсиялар ишлаб чиқиш ҳамда
норма ижодкорлиги фаолиятига татбиқ этиш;
илмий-тадқиқот натижалари, жумладан нашр этиладиган
материалларнинг илмий экспертизасида иштирок этиш, уларга тақриз ва
хулосалар тайёрлаш;
ахборот-ресурс маркази ва кутубхонадан фойдаланиш.

3-модда

Мазкур келишувнинг шартлари жамоатчилик асосида ташкил этилади ва
моддий харажатларни келтириб чиқармайди.

4-модда

Томонларнинг ёзма ёки оғзаки муурожаати мазкур келишув шартларини
бажариш учун асос бўлади.

5-модда

Ушбу Келишувда назарда тутилган ўзаро ҳамкорлик йўналишларидан
келиб чиққан ҳолда, Томонлар розилиги билан бошқа тадбирлар ҳам
ўтказилиши мумкин.

6-модда

Томонларнинг ўзаро келишувига кўра, ушбу Келишувга ёзма равишда
қўшимча ва ўзгартиришлар киритилиши мумкин, улар алоҳида баённома
билан расмийлаштирилади.

7-модда

Ушбу Келишувни амалга ошириш ҳамда фаолиятнинг асосий
йўналишлари бўйича ҳамкорлик тадбирларини белгилаш учун Томонлар
масъул шахс белгилайди ва ҳамкорликдаги муайян фаолиятни амалга
ошириш ваколатига эга шахслар раҳбарлигидаги қўшма ишчи гуруҳлар
ташкил қилиши мумкин.

8-модда

Томонлар докторантлар, мустақил изланувчилар ҳамда бошқа
мутахассисларнинг илмий тадқиқот ишларини бажаришларида ижодий алоқа
килиб туришлари учун шароитлар яратадилар.

9-модда

Ушбу Келишув иккала томон вакиллари имзолаган кундан кучга киради ва 5 йил мобайнида амал қилади. Томонлардан бири Келишув муддати тугашига 6 ой қолганида унинг амал қилишини тўхтатиш ҳақида ёзма хабарнома бермаса, Келишув ўз-ўзидан кейинги 5 (беш) йиллик муддатга узайтирилади.

10-модда

Ушбу келишув юзасидан келиб чиқадиган барча низолар ўзаро келишув асосида ҳал этилади.

11-модда

Мазкур келишув 2019 йил “⁰⁶” мартда, Тошкент шаҳрида бир хил юридик кучга эга бўлган икки нусхада ўзбек тилида тузилди.

Ўзбекистон Республикаси
Судьялар олий кенгаши
ҳузуридаги Судьялар олий
мактаби директори



2019 йил _____

Ўзбекистон Республикаси Ички
ишлар вазирлиги Академияси
бошлиғи, генерал-лейтенант



2019 йил “⁰⁶” март _____